

henckte Kleinodt / so GOTT der ewige Vatter seinem Sohn  
 zu einem Geschenck vnd Gabe seiner erhaltenen Ritterschafft  
 gegeben / gewonnen vnd den Feinden abgetaget. Gleich wie  
 nun die Geistliche Ritterschafft von vnserm Himlischen Ritter  
 ihren Ursprung genommen / so hat auch nicht weniger / die leib-  
 liche Ritterschafft ihren Ursprung von diesem einigen Rittern /  
 Siegern vnd Triumphatorn ihren Ursprung; Er ist fundator  
 dieser Ritterschafft; Er hat alle rechtschaffene Edle Christen zu  
 seinen Ritterleuten vnd Creussbrüdern / beydes wider geistliche  
 vnd leibliche Feinde angeordnet. Dann lieber wo ist der Rit-  
 terstandt im alten Testament bey dem Juden; Im Neuwen  
 Testament bey vns Christen herkommen? Zu was Ende ist er  
 angeordnet worden / alleinlich von vnserm einigen Ewigē Him-  
 lischen Ritter vnd Vorsechter / das wir seine Braut / seine Kir-  
 che / seine Gliedmassen / wie er anfänglich wider die geistliche  
 Feinde gestritten vnd gekempffet: Also auch alle leibliche Rit-  
 tersleut wider die leibliche Gewalt kämpffen vnd streitten  
 sollen. Dann lieber / weise mich vnder so viel tausent Helden vnd  
 Ritterleuten im alten Testament ein einigen / so ein Ritter o-  
 der Held genennet wird / ob er nicht hat müssen leiblichen seine  
 Hände für die Kirche GOTTES vnd seine Gliedmassen /  
 ja Leib vnd Leben dargeben vnd für si. streitten / welches alles  
 anzuziehen viel zulang? So ist auch menniglich / so er ein  
 wahrer Ritterhman anders sein will / oder weiß wo sein Ritterli-  
 cher Standt herkömen / bewust / daß allein der Ritterstandt / auch  
 bey vns Christen im neuwen Testament von dem allerlöblich-  
 sten Keysern / Imperatorn vnd Königen allein ist darumb ein-  
 gesetzt / daß sie für die Kirch GOTTES / seine Gliedmassen vnd  
 arme beträngte Glaubigen / vnd von den Geistlichen Feinden /  
 von ihm errettet / leiblichen fechten vnd streitten sollen. Al-  
 hier siehestu leiblicher Ritter / in was grossen Ehrenstandt du  
 gesetzt bist: GOTTES ewiger Sohn der hat dich zu einem Rit-  
 tersman

) ( : ) (

tersman